



先秦 — 清末民初

中國野史集成·續編編委會
四川大學圖書館編

中國野史集成

續編

錢謙題



巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

13

巴蜀書社·中國·成都

目 錄 (第十三冊)

名山藏

卷八 六四

.....

一

名山藏

卷八 六四

臣何喬遠恭輯

卷六 典謨記

成祖文皇帝

十二年正月上諭行在工部臣脩治孔子廟元宵節上觀燈午門賜羣臣及耆老宴羣臣進詩命翰林第高下賜鈔有差并賜耆老鈔帛二月隴州饑賑之按問長吏之不言者上退坐右順門裏衣袖垢敝納復出侍臣有贊聖德者上嘆曰朕日十易衣未嘗無之但念自惜福昔皇妣躬緝故衣皇考見而喜曰勤儉

名山藏

卷之八

典謨記

一

如此可法子孫朕常不敢忘三月揚州水賑之張輔使都指揮師祐尋交阻賊首陳季攬於老撾獲之上親征瓦剌庚寅車駕發北京皇太孫從行晚次清河諭耆老之送駕者歸督子弟務生戌戌駐蹕宣府上從容教太孫太孫所對皆合上意上喜庚子發寧遠鎮行間有突免命皇太孫射之應弦而斃賜皇太孫名馬辛丑至萬全命忻城伯趙豫建平伯高福尚書吳中郭資都御史李慶通政司馬麟督餉曰役民隨軍苦矣朝夕慰勞無毒以刑是月也直隸河南山陝湖廣諸縣饑疫皇太子命賑視之四月甲辰朔駐蹕

興和太閼庚戌勅太營及五軍諸將曰軍法嚴則士

一賞功明則士服今朝發一令夕不下聞此不嚴也將士効力名不上達此不明也其立傳令及紀功官丁卯發清水源上以山川險易及將士之勤勞示皇太孫馬上且曰汝知吾所以為此者乎對曰陛下豈圖其土地利其資畜亦豈不自為樂虜禽獸也恩之不戴服而遽叛陛下固欲大獮薙之永驅於絕荒今一跡不近塞為子孫臣民世福遂下馬叩頭上嘉歎良久戊辰駐蹕屯雲虜多降者已巳駐蹕玄石坡申令將士愛惜戰馬其行毋擅離隊伍辛未駐蹕清風

名山藏

卷之八

典謨記

二

擊命藥病者五月癸酉朔駐蹕楊林戌上教皇太孫以創業守成之道曰天下之事不可不周知人之艱難不可不涉歷乙亥駐蹕禽胡山上念潛邸時嘗禽虜不花於此遣祭其山川之神辛卯駐蹕速兒溫都兒之地有海子水清冽賜名蒙山海是月也皇太子遣人撫綏高密安丘諸城三縣之流移者六月壬寅朔駐蹕清流港前鋒都督劉江等哨見虜跡東行下令五軍將士臨陣齊奮所誅惟首虜毋奪財物毋掠婦女毋虐老稚毋殺降附違者斬甲辰駐蹕雙泉海劉江等遇虜康哈里孩與戰斬其數十人上度虜且

至嚴哨瞭已獲虜諜言虜兵經此可百餘里丙午車駕發雙泉海次三峽上率師兼程進命皇太孫於寶肅同行專以鐵騎五百護衛戊申駐蹕忽蘭忽失溫是日馬哈木太平把禿字羅等率衆逆我師見陣整頓兵山巔上駐高阜望寇分爲三令鐵騎挑之虜奮來戰上麾安遠侯升發神機銃砲斃虜數百餘人親率鐵騎擊却之武安侯鄭亨追擊虜中流矢寧陽侯陳懋成山侯王通等攻虜右虜堅都督朱崇指揮呂興等前薄之連發神機銃砲虜死無數豐城侯李彬都督譚青馬聚攻虜左虜盡死鬪聚被創都指揮滿

朝命市官在勞之庚申駐蹕飲馬西岸和寧阻復遣所部來言疾不能自詣止賜之米百石驢百匹羊百牽別賜其部屬丙申駐蹕飲馬泉和寧王遣人謝慰諭之乙巳次墨山峪敕皇太子以班師告天地宗廟社稷頒詔天下是月也皇太子賑常熟縣饑七月丙子駐蹕會胡山敕山陝遼東臨邊諸城增烽墩謹備禦已丑駐蹕紅橋禁蹂躪禾取人畜產者庚寅駐蹕興和命偃軍二十日豐城侯彬成山侯通領之命與安伯徐涼等率軍扈從已亥駐蹕沙河皇太子遣兵部尚書兼詹事府詹事銓忠進迎盤表止怒其緩且

奏對失辭以右春坊大學士兼翰林院侍講黃淮左春坊左諭德兼翰林院侍講楊士奇及司經局正字金問等輔導不職並徵之是月也皇太子賑河南湖廣浙江諸縣饑八月辛丑御車駕至京羣臣皆賀庚戌大賜宴張輔執送賊首陳李擴阮師至京師伏誅尼八刺國沙的新葛遣入入貢封爲尼八刺國王賞從征將士九月降晉王濟熿爲庶人使與世子美圭同守恭王墳封恭王第三子平陽王濟熿爲晉王榜葛刺國王遣使獻麒麟羣臣獻詩禮部請賀不許孟縣獻嘉禾上聞弗提斤六城之地肥饒命指揮塔失

往治弗提衛城池令軍民居止收獵孽收從其便商賈欲居者聽之伊王棟薨閏九月黃淮徵至下獄既楊士奇金問亦至命法司鞠治宥士奇名問東宮事士奇叩頭言殿下孝敬誠至凡所稽遲皆臣等罪上悅而罷行在諸臣奏士奇不宜獨宥下錦水繫之未幾特出還職遂徵司經局洗馬楊溥芮善相繼下獄崇明縣水給米鈔賑之免差役二歲十一月郢王棟薨論行在翰林院學士胡廣侍講楊榮金幼孜曰五經四書傳註雖定羣儒異同之說尚互可發明其會通採附爲大全書周程張朱所著如太極通書西銘

名山藏

卷之八

真蹟記
成祖三 五

正蒙諸篇亦彙聚次之爲性理書因命舉朝臣及四方文學之士開館東華門外纂修而廣等總其事光祿寺給朝夕饌甲寅月食蘇松嘉湖杭五府水有司請半徵土盡蠲焉
十三年正月敕諭天下來朝有司曰朕夙夜圖治擢任賢能苟能盡心修職俾康兆庶天下未有不太平者也夫爲官者以忠勤廉謹爲本以公正仁恕爲先忠則不欺勤則不怠廉則不貪謹則不肆公則不私正則不偏仁則不暴恕則不害毋謂民愚而心實神毋謂朝廷可欺也而上天鑒之不遵朕言罪不赦欽

哉既復榜而申戒之午門之外瓦剌順寧王馬哈木賢義王太平安樂王把禿孛羅遣使謝罪請朝貢如初許之壬子午門外燈山火有死者命禮部給其家敕皇太子曰上元張燈意同民樂火及于人天戒朕也方茲祗懼爾亦敬之停止中外進送遣監察御史吳文等分行天下詢察吏治得失及民間疾苦以聞刑縣官有貪刻不律者執之聞茸老病悉送京師以春和布寬恤之令設保安州戶部言漕運漸多請發民治倉上曰東作將興其出徒流以下定等輸作命武職大臣出鎮諭之曰爾皆舊人寄爾腹心夫財民

名山藏

卷之八

真蹟記
成祖三 六

心也不傷其財斯不失其心往勉之二月遣指揮斌給事中殷等十二人分往山東西大同陝西甘肅遼東督視軍士操練屯種交趾總兵官張輔沐晟還師京師立北京馬神祠定平安南功賞釋工作囚徒四千九百餘人輸作贖罪既而多亡有司請捕之上曰必其空乏遂命見役者俱還家期秋後赴工今下有不願去者七百餘人上併盡釋之四月命張輔鎮交趾上既選幼軍隨侍皇太孫至是設府軍前衛親軍指揮使置官屬焉以水賑北京諸郡五月丁酉朔日有食之端午節上御東苑觀擊毬射柳賜文武羣臣

鈔有差文臣進詩者加賜酒席壬子月食開清江浦河道七月諭行在都察院曰灤州知州敬代州同知損武清知縣潛皆殘吏已置法備錄所犯榜天下以儆民牧太監鄭和等奉使西洋諸番還命武職官犯輕罪繫獄者有疾許出醫藥著為令賑魏瑞昌永司射洪巴諸縣八月以北京軍民養馬者多增置行太僕寺少卿各一員寺丞八員武貢壽星見賑山東河南順天等府饑九月占城貢獅子羣臣請賀上曰元順帝時兩都桑果葉皆五色黃龍文嘉禾有一莖至八穗者五色雲常見朕與卿等祇敬無怠而已五經

名山藏 卷之八 典讀記 七

四書大全及性理大全書成上親序之十月令郡縣施選發種田者能用心養馬悉除其罪大城縣水免其租甲申上獵近郊經白河念靖難時水合濟師遣特牲祭告法司奏冒支官糧者上怒命戮之刑科覆奏上曰朕過矣其如律中官李達吏部員外郎陳誠等使西域還十一月麻林諸國進麒麟天馬神馬諸物上御奉天門受之羣臣稽首稱頌上曰此皆皇考威德卿等輔相功繼今益勉之蘇林答刺古里柯枝麻林諸番使將歸命行在禮部臣豫遣官於福建俟其至宴餞之無簡敕周肅奏晉諸王選護衛步騎五

千以明春赴直定操練勅西北邊及中原江北諸都司武衛選所屬步騎兵以明春赴直定德州三處操練候比試於京師如洪武中故事賑湖州諸縣十四年正月賑北京河南山東饑免其逋租停官買不急之務以水免河南諸府去年和稅二月改趙王高燧封國于彰德命漢王高煦居青州四月禮部郎中周訥請封禪尚書呂震亦以請上曰聖經無文焉管子不足道也卿乃不及魏徵五月端午節上御東苑觀擊毬射柳賜文武羣臣宴自公侯以下至衛土皆民賜鈔有差賑六安英山碭蕭西安諸縣饑置交

名山藏 卷之八 典讀記 八

阻郡縣凡府十二州十九縣六十一六月儋州土官率生黎峒首來朝上謂行在禮部曰黎人遠不沾化而貢獻頻繁自今三年一朝著為令哈烈撒馬兒罕失刺思俺都准等處朝貢使臣辭還賜鈔幣命禮部遇所過州縣宴餞之仍遣中官魯安郎中陳誠齋勅偕行賜哈烈王沙哈魯及撒馬兒罕等頭目金繪諸物八月癸酉壽星見行在禮部請率羣臣賀不許九月戊申車駕還南京十月甲戌月食癸未車駕至十一月周王橐率其子鎮平王有燝宜陽王有燁來朝上欲還都北京下羣臣議羣臣合疏伏惟北京聖人

龍興之地北枕居庸西峙太行東連山海南俯中原
足以控四夷制天下土厚水甘民淳俗朴誠天府之
國帝王之都高皇帝分封陛下若有待矣陛下卽位
之初陞爲北京文武羣臣合請營建已下所司採木
川廣羣庶雲集良材神呈比來聖駕巡狩萬國來同
民物阜成禎祥駢臻天意人心昭然可知然陛下重
民而紆徐竊於漕運已通儲蓄充溢將作之辰天實
啓之伏惟早賜聖斷止曰善楚王蒨來朝修曲阜充
國復聖公廟復命修從祀諸賢之廟壞者沽里瓜哇
滿刺出城錫蘭山宋骨都東瀾山喃勃刺不刺陸柯

名山藏

卷之八

成祖三

九

丹蘇門答刺麻林刺撒忽魯謨斯柯枝南巫里沙里
灣泥彭亨諸國及舊港宣慰使臣來朝既辭還悉賜
文綺襲衣遣中官鄭和等齎勅及錦綺紗羅絲絹等
物偕往賜諸國王仍賜柯枝國王印誥并封其國中
山爲鎮國山親製碑文賜之先是上諭皇太子令翰
林儒臣黃淮楊士奇採古名臣對君之詞彙錄以便
觀覽至是書成賜名歷代名臣奏議遂以頒賜
十五年正月遼王植濬王模寧王權蜀王椿安王楹
晉王濟熿來朝上集神僧傳成御製序二月谷王穗
以逆謀削爲庶人命豐城侯李彬鎮交趾肅王棟慶

王構楚世子孟烷晉王肇輝來朝命秦寧侯瑋掌北
京繕工事安遠侯升成山侯通副之遂諏日興事三
月以五經四書性理大全書頒六部兩京國子監及
天下郡縣學命天下有司雜犯死罪及徒流以下悉
縱還家營資斧徒作北京自贖興平王尚炆永壽王
尚烜祥符王有燭新安王有燭永定王有光汝陽王
有燭永興王尚烈來朝漢王高煦有罪起之樂安州
車駕巡狩北京世子發京師已也次邾城勅軍士所
過毋壞民稼有踐傷者除其近稅五月丙戌朔車駕
至北京命行在左副都御史李慶兼督營造命行在

名山藏

卷之八

成祖三

十

工部造安樂營以居病匠太醫院分療之御史錦衣
巡視亡歿者歸其骨七月賜皇太子務本之訓勅曰
朕以教太孫今錄賜汝復別以賜皇太孫使服膺之
戊寅壽星見羣臣請賀不許九月修孔子廟成上製
文刻碑焉戊辰月食既命在工所疾未痊者護送還
家有司善撫之十一月金水河太液池水冰結爲樓
閣龍鳳花卉衆賜羣臣臨觀行在禮部尚書呂震請
率百官表賀拒不受勅曰比歲以來卿等遇祥輒賀
朕之京德夙夜不敢康命中外諸司愛卹軍民勸課
農桑作興學校平均賦役敬祀慎刑旌表孝順節義

民鯨寡孤獨必存卹之薦舉材德遺逸之士嚴固邊
微倉庫山納無有侵欺一遵高皇帝成憲官吏貪暴
曠職者監察御史按察司具實糾治之改前禮部尚
書趙珩為兵部尚書巡督塞北屯戍軍民一切利病
邊務不修者以實聞職方司主事命覆天下兵馬諸
路屯戍軍民圖以進補其缺者增其宜置太祖謂和
能陞武庫員外郎尋陞江右參政時海寇出沒劫
掠以計捕之成祖嗣位使交陞陞其金寶之德使還
陞刑部右侍郎尋轉工部未幾陞本部尚書賜宴華
蓋殿徽徽御筵珍羞以遺其母戊午勅諭北京上仁
孝聖后山陵壬辰督開創陸處保安永寧諸州縣
安新軍之民既改兵部尚書丁內艱起復專理塞外
兵政壬寅北征和給饒餉不絕仁宗嗣位復專理塞外
書宣德庚戌以疾致仕正統元年卒道官論祭命有
尚治喪葬和在德縣母抱避寇林莽中辛遇虎熱麗

名山藏

卷之八

成祖三

十一

陝西進玉兔羣臣表賀

十六年正月以玄兔圖並表頌賜皇太子諭之曰羣
臣頌朕朕心媿之夫好直則德廣好諛則過增爾將
來有寄不可不審理於言故示爾知交趾賊黎利反
三月乙丑月食勅天下文武官員轉食為廉革暴為
寬勵怠為勤去私持公安養軍民使皆受福勅成山
侯通行視陝西潼關等處曰高皇帝數命公侯重臣
脩理軍政今西北邊尤急勉盡朕心六月募脩天下
郡縣志書勅交趾總兵官李彬曰為將之道在智勇

仁信忠勇則不可犯智則不可惑仁則愛人信則不
欺忠則無二爾撫鎮遠夷政當體之七月交趾布政
使莫助交州知府林希聖等言交僻南荒募化有年
皇上建設郡縣俾同內向今者營建北京謹以家丁
瓢等五百人獻詣闕下少効子來召勞賜鈔而遣之
曰備悉遠誠殊不勞爾降勅切責陝西布政按察二
司曰比聞所屬郡縣歲累不登致民流莩又不以聞
其咎安在速賑之翰林院侍讀兼右春坊右贊善梁
潛以輔導有關逮下獄八月尼八刺國王沙的新葛
遣人入貢使中官鄧城與其使者偕行賜登之所經

名山藏

卷之八

成祖三

十一

罕東靈藏必力士瓦烏思藏野藍可般卜納等處頭
目皆有賜丙戌壽星見九月壬戌月食十月諭陝西
三司曰西人苦旱征役又繁朕甚憫焉自今出使外
夷一切供應非有朝命毋得擅取違者重罪之十一
月以浙江瀕海郡縣風潮衝激堤岸墊溺民居歲治
無成上親齋戒遣保定侯孟英以太牢祭東海既祭
水患弭咸歸頌于聖誠十二月武常山宮觀成賜名
太嶽太和山親製文記之上以資皇考皇妣之福下
為民庶祈禱諭法司曰唐太宗惡官吏貪濁犯賊必
宣法吏尚清謹民免招徠貞觀所以為盛朕屢勅中

且蒙塞今明與爾言爾犯他罪論勳論戚猶或可恕若如前弊罪且用殺令自今在外繫囚當死者悉送京師會官審錄三覆奏乃決癸未卿雲見勅皇太孫曰比聞出郊遊獵一軍害民卽懲以法朕聞甚喜善

積而久名播天下不令而行不言而信肅王煥薨命工部侍郎劉仲廉許廊覆實戶口田賦於交趾仍察舉軍民利病以聞

十八年正月上元節上觀燈午門賜羣臣宴賜御製詩羣臣屬和以進

詩曰皇朝落神天眷隆太祖受命
芟羣雄奠安萬姓復入紀灋掃宇
宙農鑰空三光宜精益輝朗五穀不
勸適粍崇米天
祿壤林南北虞淵陽谷窮西東梯山
航海日相繼玉

請

萬國皆朝宗宜揚教化敷禮樂簡拔賢俊俱登庸
 周神功聖德垂無窮朕繼大統膺天命負荷弗克懷
 仲仲宵衣旰食敢自逸龜勉圖治思成功茲惟民物
 日蕃阜休養作息無怠耨雨暘不愆萬類育兩開元
 氣何冲融生祥毓瑞日聯集靈昭不愆萬類育兩開元
 在節值三五宴樂期與臣民同巨鯨負山出平地屹
 立萬仞當天中香烟下連瑞霧紫煙火上照青雲紅
 教坊雜還百戲隊仙使圖繞千花叢九衢車馬廣明
 月千家絃管皆春風朕觀此景心更悅豈獨民庶欣
 遭逢賴茲臣鄰力匡輔各謹乃職輸其忠繇來盛德
 戒盈滿毋或怠肆墮天工朕承洪業莫垂拱仰止聖
 哲懷軒農太平一統治文希萬方永樂年閏正月乙
 屢豐作詩敢繼南薰曲頌與四海歌時雍
 酉月食五月交陞右參政侯保率民禦賊死之左參
 政馮貴亦以討賊戰死保贊皇人繇國子生為襄城
 初設交陞縣縣擇人撫治陞交州知府又陞交州右
 參政時黎利割掠郡縣保築堡要害禦之賊來攻堡

東戰不勝死貴武陵人舉進士為兵科給事中張輔征交趾總督兵例克效勳勞還奏稱旨阻交趾石參議成陞左參政撫輯流民歸附者衆有土兵二十餘人功勞耐關海擊賊輒有功中官馬騷嫉之盡奪其土兵及黎利反獨以亂卒數百遇賊戰六月孝死保為政廉恕責有才畧其死也人皆惜之順事實書成蓋上命侍臣考古孝行卓然者得二百七人復為論斷并系之詩以教民以陳誠為參政命同中官郭敬等使哈烈諸國七月辛巳月食八月丁酉朔日有食之已酉壽星見丙位羣臣請賀勅曰上天垂象以親有德朕惟恐弗堪九月以北宮殿將成明歲將朝正于新殿遂遣行在戶部尚書夏原吉齋勅召皇太子命行在禮部明年正月朔以北京為京名山藏卷之八典義記 成祖三 主

師去行在令取南京各印信給京師諸衙門南京衙門別鑄皆加南京二字諸城縣進龍馬十月右麻刺郎國玉幹刺義亦敦奔率妻子羣臣來朝禮之如蘇祿國玉癸亥甘露降孝陵松栢十一月北京宮殿成詔曰朕皇考高皇帝建都江左肇造邦基肆朕纘承惟懷永圖眷惟北京實為都會惟天意之所屬亦上筮之攸同乃倣古制徇輿情立兩京置郊社宗廟創建宮室上以紹先志下以詒子孫營建以來天下人民樂於趨事天人協贊景貺駢臻今工告成選以明年正朔御奉天殿朝百官治萬民故茲詔示咸使聞

知召皇太孫于南京交趾占城諸國來貢白鳥瑞象羣臣應制撰詩增雲南交趾貴州三清吏司于戶刑二部雲南交趾貴州三道于都察院賑山東諸府州縣饑十二月封郭義安陽侯薛祿陽武侯金玉惠安伯薛斌永順伯皇太子及太孫至先是皇太子過鄒縣見民男女老弱持筐拾草實駐問之知以為食惻然下馬入民舍視民男女皆衣百結竈釜傾不治歎曰民隱如此乎予之鈔問所苦輟食賜之山東布政使石執中來迎太子責焉執中言已奏停今年稅太子曰民饑且死尚及稅耶勘口數速賑之近地三日名山藏卷之八典義記 成祖三 主

遠五日執中請人給三斗皇太子曰與之六吾言上毋懼擅發至是上言上嘉歎久之十九年正月甲子朔上詣太廟奉安五廟神主命皇太子奉安昊天上帝后土皇地祇神主於天地壇皇太孫奉安太社太稷神主於社稷壇黔國公沐晟奉安山川諸神主於山川壇禮畢上御奉天殿受朝賀大賜宴赦天下和寧王阿魯台遣使來貢使嬰劫行旅上戒諭之自是阿魯台不朝乙卯月食既二月賑通渭全椒吳橋三縣楚王楨慶王櫟來朝四月庚子奉天華蓋謹身三殿災勅曰朕倣古建三京三殿同

災朕心惶懼意者敬天事神禮有息歟祖法足歟政
務乖歟小人在位賢士隱迹歟刑獄冤濫歟讒慝交
作歟削剝指冠及田里歟蠹財妄費用無度歟租稅
太重徭役不均歟軍旅未息征調無方饋餉之歟工
作過度民力敝歟奸人附勢羣吏非法抑有關革不
治而致然歟朕之寡昧未究所繇爾文武羣臣宜陳
無隱朕圖後改以回天意停止中外之不便不急者
勅曰上天垂戒監寐不違言寐而不寤也禮部以朕初度
請賀甚非所以畏天而徒益不德焉其止勅吏部尚
書蹇義等二十六人巡行天下安撫軍民羣臣應詔

名山藏

卷之八

成祖三

七

言事皆言遷都不便主事蕭儀言尤峻切上怒命誅
之曰吾與大臣密議數月豈復不便哉科道官因劾
奏諸大臣上御午門樓使廷辯諸大臣皆罵科道官
書生也昧大計戶部尚書夏原吉奏曰御史給事言
官也且應詔陳言臣等備員不能協贊是臣等罪上
悅兩宥之給事中柯暹監察御史何忠鄭維栢羅通
等應詔言事請上止巡遊引龍不離淵虎不離穴為
喻上怒詰問之引易書龍虎風雲對皆謫知邊州六
月賑吳西安瑞昌潛山東光五縣饑謀者云阿魯台
欲寇邊勅居庸等關嚴備徵諸都司兵京師上將巡

開平興和焉七月嚴自宮禁賑寧津高邑歟新寧上
杭五縣饑阿魯台聞上將巡邊舉衆北徙遂罷諸征
兵八月辛卯朔日有食之河間縣進白兔以水免徐
州稅糧十一月命邊將置邏騎於古北口北神樹之
地作深溝高塹以自固上復將征虜命戶部尚書夏
原吉兵部尚書方賓禮部尚書呂震刑部尚書吳中
等議皆謂頻年勞師軍馬儲胥十喪八九災青屢作
內外俱疲重以聖體少安涉冒風沙殊所未便古不
勤兵於遠莫若休養於內備禦於外方圖入奏會上
遽召賓賓言餽餉恐不贍遂召問原吉餉數對曰贍

名山藏

卷之八

成祖三

七

備禦而已亡以給大軍上不懌即命原吉料儲餉于
開平而吳中入對與賓同遂召原吉領繫之以大理
寺丞鄒師顏嘗署部倂繫之賓懼自殺上曰朕未嘗
罪賓何遽然既聞賓平生怒而戮其屍併下中於獄
賓杭州人自監生擢刑部試郎中改兵部建文中署
應天府事坐累謫廣東以尚書茹常薦調兵部郎中
上初即位歷本部左侍郎危從北京陞尚書聰敏強
記職務叢脞問無不答雖寡學善應對既見信用勢
焰驕騰雖職必報原吉遭繫上時時語賓以上怒故
恐罪及自給朝房中上初猶惜其材既沒下翰林院
閣平生所為怒自生誅矣命劉其屍優之下翰林院
侍講李時勉獄命侍郎張本都御史王彰督有司造
車發丁壯輓送以備征虜

三十年正月己未朔日有食之免羣臣賀辛未月食
賑龍游寧鄉二縣饑二月命考黜賊汚官吏邊戍之
三月令有司遇饑荒急迫賑而後奏聞阿魯台犯興
和殺守將都指揮煥上親征之議遂決命皇太子監
國戊寅車駕發北京辛巳駐蹕雞鳴山虜聞夜遁癸
未駐蹕宣府甲申饗將士四月勅皇太子凡官軍以
罪繫者悉送軍前立功命太醫院分醫生朝夕行營
有疾者與善藥己亥勅前鋒都督朱榮等勤哨瞭慎
設伏辛丑駐蹕龍門收遁虜遺馬二千餘匹癸卯萬
壽節禮部請賀上曰朕不獲祇拜宗廟兼念從征士
卒之苦何樂於心此行驅虜安邊共効忠勇所以賀
也令民以軍餉役塞外者復之一年乙卯駐蹕雲州
閱兵是月也皇太子賑潁州饑五月丁巳朔令將士
軍行不得離隊五十丈收放馬驢亦毋得遠離營乙
丑度偏嶺命將士獵道傍山下曰非好獵也以繕士
怒丙寅駐蹕臨寧勅開平備禦成安侯亮曰虜至勿
戰固守俟大軍城中民禁之遠出屯堡無要害者悉
徙入城丁卯大閱諭諸將曰水因地而順流兵因敵
而作勢水無常形兵無常勢兵猶水也戊辰觀士卒
射一卒連中三賜牛羊各一鈔五錠銀碗二曰重賞

名山藏

卷之八

成祖三

三

勸人勸是日上製平虜三曲使將士歌之庚午召諸
公侯馳射英國公輔安遠侯升連中應城伯亨不中
罷其領兵隆平侯信辭疾不至降為辦事官上謂諸
將勇智兼全為將之道弓馬便捷所向無敵勇也計
算深長智也有勇無智一卒耳辛未發隔寧次西涼
亭亭故元往來巡遊所上謂侍臣曰元人創此豈計
今日書曰常厥德保厥位厥德靡常九有以亡况
亭耶因禁伐其亭傍樹曰殷鑒也癸酉次開安命王
營時大臣居中五軍分駐營外建左右哨左右掖以
總之步卒居內騎卒居外神機營在騎卒外外有長
圍四周二十里軍中樵牧毋得出長圍上問諸將驅
虜策皆叩頭言奉陛下成算上曰智勇先也必愛士
而和僚勅皇太子曰朕今去京師漸遠軍機重務令
五府六部議當行之不必來奏仍勅諸臣協心輔導
丙子次威虜鎮賜皇太子書曰朕付爾宗社親賢保
民是為爾孝口腹勞人非朕心也繼今蔬果無遠進
毋以軍中念朕上在軍率五鼓起或親閱軍卒或計
議軍務夜與侍臣論經史或與諸將論兵法至忘寢
食至是諭諸將曰軍旅重事朕不敢自逸每一令出
必審思之古人云將國輔也輔周國強輔隙國弱朕

名山藏

卷之八

成祖三

三

若未當爾有深謀長策卽而陳焉勅領運公侯令餽
運兵民日隨大軍行夜圍營而宿後者斬六月庚寅
次長樂鎮鎮之水晚有泉躍出足軍壬辰次清平鎮
令曰出應昌地益平曠宜結方陣進神機馬隊整肅
列之癸巳次威遠以開平報虜復攻萬全上曰虜慮
大軍搗其巢穴爲此牽制必不足慮甲午次陽和谷
虜攻萬全者遁去丙申次祥雲屯方駐蹕有紫雲如
蓋見營南因賜屯名戊戌次翠玉峯虜有降者命善
撫之庚戌次玉河泉以深入勅前鋒都督朱榮等各
領健卒三百卒三騎齎二十日糧宵行追伺都督吳

名山藏

卷之八

成祖三

主

成等踵兵千人後應乙卯次通濟河令軍中護兵器
馬驢行糧毋委棄七月次環秀岡虜有息命將士星
馳進四出邏騎已未次殺胡原榮獲虜部屬言阿魯
台已盡棄其馬駝牛羊輜重于闊灤海之側與其家
屬直北徙上曰未信毋弛備旣果然召榮成還盡收
虜所棄牛羊駝馬焚其輜重遂命旋師夜諭諸將曰
阿魯台遁矣羽翼之者兀良哈遂分步騎二萬爲五
道上親率精騎數萬西要之庚午大敗之屈裂河追
奔三十餘里抵其巢穴斬首虜數十生獲其黨伯兒
伯克等盡收其人口牛羊駝馬焚其輜重兵器卒未

上復以兵徇屈裂兒河西大獲之甲戌兀良哈老弱
詣軍門待罪戊寅次捷勝原分給所獲牛羊於將士
壬午次紫駝岡寧陽侯懋以騎兵五千搜餘寇屈裂
河東北深谷中獲其男婦千餘及牛羊馬數萬并得
所掠邊卒男女百餘人是月也皇太子免兩直隸山
東河南郡縣被水田糧若馬草八月巳丑次祥雲屯
寧陽侯追敗殘虜山澤中壬辰次威遠川益寧陽侯
精騎千與武安侯鄭亨前行收輜重亨懋夾擊虜又
大敗之庚子駐蹕武平鎮皇太子遣富陽侯李茂芳
禮部尚書呂震迎駕遣李慶祭開平山川以班師論

名山藏

卷之八

成祖三

三

皇太子頒詔于天下中官鄭和等使諸番國還庚戌
次雲州禁官軍踐傷田稼皇太子遣駙馬都尉沐昕
趙正高燧遣長史趙季通六部臣推侍郎郭敦進賀
平胡表至九月丁巳度居庸關次龍虎臺饗隨駕將
較北京文武大臣迎駕見壬戌昧爽上至北京羣臣
表賀下楊士奇呂震襄義錦衣衛獄嚴鈔法不行使
者坐大辟家徙邊宴隨征將士命禮部分等有功無
過者坐前列食上食功過相等先入關者坐次列食
中食功過俱無坐下列食下食無功有過者傍立賜
鈔各有差以楊榮金幼孜扈從之勞特命坐前列食

上食各賜二品金織紵絲衣一襲鈔五千貫封朱榮
武進伯薛貴安順伯釋楊士奇復其官十月申諭有
司逃民復業者積年逋負悉蠲免命內官韋驤監察
御史宋準郎中呂謙等八十人盤點天下軍民衙門
倉糧稽考遞年出納之數十一月鄭州獻白兔十二
月賑英山縣饑閏十二月以冰免鳳陽府所屬州縣
糧

二十一年正月二月蜀王椿薨釋寒義復其官三月
釋呂震復其官賑文登縣饑五月開封府雨傷稼遣
人按視蠲其租常山中護衛總旗王瑜上變告山中

名山藏 卷之八 成祖三 宣
護衛指揮賢等糾合羽林前衛指揮旭等將舉兵推

趙王為主謀不利於上及皇太子止召皇太子趙王
與諸大臣皆至捕賊親鞫而誅之瑜字廷墨直隸山陽人縣隸淮安衛總旗指揮常山護衛任至右軍都督府食事雅尚文學為指揮用法平恕門杜私謁為鎮守寬大不稱務以德服人喜觀史冊每讀忠臣烈士傳慨然慕過軒臣賊子則切齒恨之但發不軌事有枉者死之日自束兩手如高懸者東阿知縣貝秉彝九載當陞縣民乞
畱從之加秩二級復其任秉彝上虞人舉進士知鄒陽縣有惠政以憂去再知東阿律已廉勤政尚寬厚與學勸士課農務民縣以大治六月庚戌朔日有食之
七月虜中有來降者言阿魯台將入掠召諭諸將曰
朕當待之塞外乘其勞擊之遂定部分料軍實釋李

時勉復其官命皇太子監國壬寅車駕發京師甲辰
次土木隨征將士畢集上閱之喜遂賜宴會有邊卒
陷虜中者脫歸云今聚飲馬河北聲言犯大同寧夏
勅大同寧夏守將嚴備之勅慶王橈嚴勅護衛官軍
亦如之有告軍士取民田穀飼馬者立斬以徇戊申
次宣府書諭皇太子凡飲食及諸不急之物悉勿進
八月己酉朔宴勞大營五軍諸將因大閱甲寅車駕
發宣府次沙鎮賜諸將內殿馬曰古人克敵藉馬習
調之庚申次萬全兵民有所進獻倍償之勅大營五
軍諸將曰朕勞動將士非志用武計生民也夫有精

名山藏 卷之八 成祖三 宣
兵十萬可橫行天下今以三十萬眾當此殘虜何患

不克丙寅命諸將布陳聚軍士操習之神機銃當鋒
馬隊居後曰陣密則固鋒疏則達命諸將分督沿邊
隘口晝夜毋怠乙亥次沙城召見晉庶人濟熈封其
子美圭為平陽王是月也壽星見封瓊煙為唐王皇
太子賑靖州會同縣饑蠲兩直隸山東郡縣被災田
九月戊子次西楊河抵于陰山之春皇太子趙王及
諸大臣遣人奉表賀壽星却不受虜僞知院阿失帖
木兒古納召等率其妻子來降備言阿魯台今夏為
瓦剌順寧王脫歡所敗其部落潰散無所屬若聞天

兵再出遠走不暇敢復南向命授之官諭諸將曰雖然當謹備分令巡視緣邊修築關隘防守之西洋諸夷遣使來貢凡十六國使者千二百人勅皇太子宴勞厚賜命恭順伯吳克忠安順伯薛貴都督吳成等先出騎士三千偵虜十月甲寅朔前鋒寧陽侯陳懋追虜至宿鬼山口遇驍韃王子也先土干率妻子部屬來歸遣人馳奏勅善視之與偕來甲子駐蹕天城將士獵東南山上臨觀之丙寅復觀獵時風日暄露將士健捷上喜已已寧陽侯以也先土干及其部屬入見上大喜召之前與之語叩頭呼萬歲命悉賜

名山藏

卷之八

典談記

三

酒饌封也先土干忠勇王賜姓名曰金忠所以宴賜甚厚遂并諭書皇太子下詔班師頒中外甲戌駐蹕萬全皇太子遣定國公景昌表賀十一月戊寅朔車駕次懷來辛巳入居庸關上袞衣乘玉花龍馬臣民夷使駢闐迎駕懽呼萬歲次龍虎臺大賜宴甲申至京師陳鹵簿上乘御輦入謁告天地宗廟社稷出御奉天門朝羣臣時諸番貢使咸集闕下文武羣臣上表賀上諭以無怠無荒四夷來王之意遂召忠勇王部下皆授官壬辰月食

二十二年正月阿魯台所部復侵掠邊塞上復召公

侯大臣熟計征虜皆贊決上可之賜文武百官及京民四夷人等元宵節鈔二月楚王植薨三月作五軍使忠勇王領壯士為前鋒諭諸將曰阿魯台始以窮蹙來歸朕撫甚厚違天負恩不一一朕再出師搆其巢穴命如絲髮當時若從將士計豈能復生驅而逐之莫能改也豺狼獸心終焉不變朕非黷武必拯邊民重建南京天禧祠賜名大報恩寺薦福于高皇帝后四月贈從靖難之戰沒者以親征命皇太子監國乙酉發北京已未次長安嶺享諸將壬戌萬壽聖節車駕次赤城禮部請賀上曰朕方勞于師庚午車駕

名山藏

卷之八

典談記

三

次隰寧忠勇王所部復虜謀云阿魯台且度塔蘭納木兒河趣漠北以避上曰寇不遠速進是月也秦王志烜薨五月己卯至開平雨上遙見士卒沾濕寒有後至者命諸將卹士甲申上夢神一再告曰上帝好生召問楊榮金幼孜曰何祥也豈天屬意此寇部屬耶皆對曰陛下除暴安民亦好生也或者火燃崑岡玉石俱焚上帝之意惟陛下詳之上即命草勅使諭其部落曰往者阿魯台窮極歸朕及朕所以待之者爾等所知朕何負此而比年以來寇掠我邊鄙虞劉我蒸庶誰之過與朕聞者以天人之怒再用率師

當是之時如狗將士之志爾等復有餘命朕體好生
驅之曠遠獸心不悛荼毒增甚今王師之來罪止阿
魯台一人有能順敬天道輸誠來朝朕待以恩禮仍
授官職聽擇善地毋懷疑二以遺後悔命安遠侯柳
升瘞道中遺骸上親祭之論諸將曰武有七德禁暴
除亂是其首也又謂止戈今罪人阿魯台耳脅從之
衆有歸降者宜悉意撫綏非持兵器嚮我師者縱勿
殺至寅次長樂鎮楊榮金幼孜待上曰漢高祖至柏
人而心動朕次長樂思同樂也丙申次清平鎮輜重
緩令諸將分接之曰不繼者危道丁酉駐蹕清平鎮

名山藏

卷之八

成祖三

三

宴文武大臣命內侍歌高皇帝御製詞五章止爵之
曰此先帝垂諭創業守成之難而示淫荒酣醕之戒
也朕雖軍旅君臣杯酒敢忘先訓皆稽首謝止亦製
詞五章述奉天法祖勤政恤民之意焉己亥次威遠
川宴文武大臣亦命內侍歌之羣臣皆頌上悅悉沾
醉罷是月也遼王植薨肅縣蝗蝻生知縣王士廉齋
禱八蜡以失政自責越三月有鳥數百食之殆盡皇
太子聞而嘉賜之免揚州廣平順德湖廣河南等府
縣累歲被災田六月癸丑次金沙磧寧陽侯懋得胡
馬九匹進上曰其詐益防無怠丙辰次寶屏山諭諸

將今深入虜地益謹備戊午次玉沙泉以荅蘭納木
兒河近令諸將嚴兵已未次龍武崗寧陽侯忠勇王
率師前進至荅蘭納木兒河不見虜蓋遁久矣上遣
英國公輔成山侯通分兵大索仍命寧陽侯及忠勇
王前覘之車駕進駐河上壬戌次蒼石岡張輔等分
兵索山谷週迴四百餘里無一跡癸亥次房坡寧陽
侯返見曰請假臣一月糧深入必得之上曰朕更思
甲子次翠雲松谷諸將曰今出塞已久人馬俱勞孽
虜所存亡幾茫茫廣漠若海探粟朕不窮追遂班師
分諸將東西二路以歸上東行丙寅次蒼玉淵勅警

名山藏

卷之八

成祖三

三

而殿後庚寅次清水源刻紀行於高崖是時帝不豫
戊子次雙流澤書諭皇太子詔告天下庚寅次榆木
川上大漸遺命傅位喪服禮儀一遵高皇帝遺制辛
卯上崩大學士楊榮等以六師在外秘不發喪含斂
畢載以龍輦所至御帳朝夕上食如常儀遂馳計皇
太子八月甲辰楊榮等至自行在致遺命於皇太子
皇太子慟哭幾絕強拜受進問故命皇太孫馳計開
平迎龍輦作梓宮諭告中外己酉龍輦次鵬鶚皇太
孫至始發喪辛亥臣民迎哭居庸關壬子及郊皇太
子親王及羣臣衰服哭迎至大內奉安仁智殿加斂